







নিবেদিতা ।



## উৎসর্গ

প্রবাসেতে মোর স্মৃতি জাগাতে আবার  
হৃদয়ের ব্যথা-গুলি  
ভাবের তুলিতে তুলি,  
সাজানু তোমার তরে ক্ষুদ্র উপহার ।  
ধর ধর “নিবেদিতা” সাধের আমার ॥

নিবেদিকা—

লীলা



## নিবেদন—

মহানর-সমাজে একত প্রতিভা-প্রসূত কবিতার দাঁড়াইবার  
 জন্ত স্থান প্রার্থনা করিবার প্রয়োজন হয় না। তাহা আপনার  
 আসন আপনি প্রতিষ্ঠা করিয়া লয়। কিন্তু পাশ্চাত্য সভ্যতা-  
 লোকোদ্ভাসিত আনাদিগের বর্তমান বঙ্গসমাজে যেদ্রুপ ছোট বড়  
 সকলেই এক কামিজ-রূপ পরিচ্ছদ পরিয়া ভদ্র লোক সাজিয়া-  
 ছেন, প্রকৃত ভদ্র কে কাহার বিশেষ পরিচয় প্রদানাতাবে  
 দাখিয়া লওয়া কঠিন,—সেইরূপ মুদ্রাধ্বনির সুলভ এবং বহুল  
 দিগ্ভিতর সঙ্গে সঙ্গে কাল-মাহাত্ম্যে বর্তমান সাহিত্য-সমাজেও  
 এত ‘কবি খদ্যোতিবার’ ভিত্তি হইয়া পড়িয়াছে—যে সেখানেও  
 বাস্তবিক কবিত্বের একটু খানি বিশেষ পরিচয় প্রয়োজন হইয়া  
 দাঁড়াইয়াছে। তাই প্রারম্ভেই পাঠক-পাঠিকাগণের ধৈর্যের দ্বারে  
 ‘নিবেদিতা’ সম্বন্ধে দুএকটি কথা নিবেদন করিতে বাধ্য হইলাম।  
 ইহাতে স্পষ্টতার কথা কিছু নাই বা শক্তির আশ্ফালন নাই; কিম্বা  
 আলোচ্য পুস্তিকা-খানিতে আদ্যন্ত একমাত্র প্রতিভার ক্ষুরগই  
 হইয়াছে এরূপ আভাসও নাই। বর্তমান সাহিত্য-যুগের পূর্বে  
 সাহিত্যাকাশে এক সঙ্গে অনেকগুলি কবির যুগলও অভ্যুদয় দৃষ্ট  
 না হইলেও যিনিই যখন কবি বলিয়া পরিচিত হইয়াছেন, তিনি  
 তাঁহার সমস্ত প্রতিভা একমাত্র ধণ্ড-কবিতা বা প্রণয়সঙ্গীত  
 লিখিয়া পর্য্যবসান না করিয়া বৃহৎ বৃহৎ কাব্য-নাটকাদি লিখিয়া  
 সাধারণের চিত্তাকর্ষণ করিয়াছেন। কিন্তু দেশ এখন অসংখ্য  
 অগণ্য কবি-সঙুলীতে ছাইয়া গিয়াছে। সকলেই সমস্বরে এক-  
 ধ্বয়ে নিরাশ-প্রণয় কবলীতে বা ভাববিহীন সামান্ত বক্তব্য



বিষয় সবল ছন্দে গাঁথিয়া কবিতার লাজ করিয়া গীতি-কাব্যের  
প্রতি সাধারণকে বীতশ্রদ্ধ করিয়া তুলিয়াছেন। কোন গুরুতর  
বিষয় লইয়া কবিতা রচনা করিবার বড় কাহার অবসর নাই,  
ক্ষমতাও নাই। সুতরাং গীতি-কাব্য লইয়া পুনরায় আর তাঁহা-  
দিগের সমক্ষে অগ্রসর হইতে ভরসা হয় না। কিন্তু তথাপি  
জাত্যের অনুরোধে অগ্রসর না হইয়াও পারিলাম না। সঙ্গদগ্ধ-  
সমাজ কবিতার নাম মাত্রেই একেবারে খড়া-হস্ত না হইয়া  
'নিবেদিতার' স্বত্বটুকু প্রাপ্য নিরপেক্ষভাবে বিচার করিয়া সেই  
সহানুভূতিটুকু প্রদান করিলেই আমাদের আশা সফল জ্ঞান  
করিব।

'নিবেদিতার' লেখিকা এক জন স্ত্রী-কবি। ইনি ত্রীযুক্ত  
যোগেন্দ্রনাথ বিদ্যাভূষণ মহাশয়ের প্রথম কন্যা এবং পণ্ডিত মদন-  
মোহন তর্কালঙ্কার মহাশয়ের দৌহিত্রী। অতি অল্প বয়স হইতেই  
ইহার কবিতা লিখিবার সুন্দর স্বভাব-দত্ত ক্ষমতা আছে। ইহার  
কবিতা পাঠে আমরা অনেক সময়ে মুগ্ধ হইয়াছি। মানব-চিত্তের  
ভাবগুলি লইয়া সংসারের ঘাত-প্রাতিঘাতে জ্বলিয়া স্বভাব-ই যে  
তবঙ্গ-সকল উৎখাত হয়, সেই গুলি লইয়াই কবি-কল্পনার মানস-  
ক্ষেত্র হইতে যে সকল কবিতা-স্রোত নিঃসৃত হয় সাধারণতঃ  
তাঁহাই গীতি-কবিতা। এই গীতি-কবিতা-প্রণয়নে পুরুষ অপেক্ষা  
রমণী কবিকেই বিশেষ রূপে সিদ্ধ-হস্তা দেখিতে পাই। কবিতার  
বিষয় অতি সামান্য, ভাবও অতি সাধারণ, কিন্তু তাহাই লইয়া  
রমণীগণ কেমন একটু স্বভাবদত্ত বিশেষত্ব দেখাইয়া থাকেন,  
তাঁহা আমরা অনেক সময়ে পুরুষের কবিতায় খুঁজিয়া পাই না।  
'নিবেদিতার' সেই বিশেষত্বটুকু সর্বদা প্রতীয়মান। সেই

জন্মই এবং নিবেদিতার লেখিকাকে কিঞ্চিৎ উৎসাহ প্রদান করিবার নিমিত্তই ‘নিবেদিতাকে’ সাধারণের সমক্ষে ধরিতে, সাচসী হইলাম। স্রী-জন-শূলভ সঙ্কট বশতঃ গ্রন্থকর্তী তাঁহার কবিতা-গুলি প্রকাশ করিতে নিতান্ত অনিচ্ছুক ছিলেন। কিন্তু তাঁহার স্বভাবদত্ত ক্ষমতাটি নিতান্ত নিরুৎসাহে গৃহকোণে সন্নিবিষ্ট ধরিয়া নষ্ট না হইয়া যায়—বরং সাধারণের নিকট উৎসাহ লাভ করিয়া তিনি বাহ্যতে যে তুলিকার ‘নিবেদিতা’ অঙ্কিত করিয়াছেন তাহা অপেক্ষা উচ্চ এবং উচ্চতর তুলিকার বিভিন্ন ছবি অঙ্কিত করিয়া সাধারণকে উত্তরোত্তর উপহার দিতে প্রোৎসাহিত হন, এই জন্মই ‘নিবেদিতা’ প্রকাশিত করিতে প্রয়াস পাইলাম। এক্ষণে সকলে ইহাকে আহ্বান করিয়া লইলেই সুখী হইব। নিবেদিতার নাম-করণ স্বয়ং লেখিকা-কর্তৃকই হইয়াছে—তাঁহার এই প্রথম উদ্যমে তিনি সফলমনোরণ হউন—ইহাই আমাদের প্রার্থনা।

সম্পন্ন পাঠক-পাঠিকাগণ সুদাক্ষণ্যেব ভ্রম-প্রমাদ-গুলি মার্জনা করিয়া লইবেন। ইতি।

কলিকাতা,	}	শ্রীললিতকুমার চট্টোপাধ্যায়
২৫ নং গ্রামপুকুর ষ্ট্রীট।		
১৭ই এপ্রিল, ১৩২০ সাং		

বি-এল।

**CALCUTTA.**

**Printed by G. C. Ghosh, Aryan Press,  
25 Shampukur Street,**

# নিবেদিতা

## সরস্বতী বন্দনা ।

সরোজ আসনে কে তুমি ললনে  
উর মহাদেবি ! আজি মনে মনে  
পূজিব তোমার ও দুটি পায় ।  
তব সহচরী এসো সাথে করি  
রাখিব হৃদয়ে কল্লনা স্তন্দরী  
দিব ফুল হার সে চারু কার ॥  
অমল কমল রূপ নিরমল-  
পদতলে তব শেত শতদল  
শোভিছে কেমন দেখিনু হায় ।  
তুমি নায়ায়নি, জ্ঞান বুদ্ধি সনে  
করিছ বিহার হরষিত মনে  
দেখিয়া মানস মোহিয়া যায় ॥  
তব যোগ্য নহে হৃদয় আমার  
তথাপি পেতেছি আনন তোমার  
বস সেথা দেবি লইয়ে বীণা ।

বাঁধিয়া রাগিনী করগো বন্ধার

বহুক-পুলকে মম অশ্রুধার

কৃতার্থ তাহ'লে হবে মা দীনা ॥

বাজে ও বীণাতে যে গীত মহান

কত গ্রন্থ তাহে হয় প্রণয়ন

কবিতা লইয়া কর মা খেলা ।

তুমি বেদ বিদ্যা বুদ্ধি সনাকার

তুমি সৃষ্টি স্থিতি প্রণব আকার

ক্ষুদ্র নারী আমি কি বুঝি লীলা ॥

বন্ধ রন্ধ নর কে বোঝে তোমায়

তোমারি কুপায় সবে জ্ঞান পায়

গন্ধর্বে তোমার চরণ সেবে ।

ছয় রাগ আর ছত্রিশ রাগিনী

সদা করে স্তুতি ওগো বীণাপাণি

আছে যোড় করে দাঁড়ায়ে দেবে ॥

দেহ পদছায়া মহেশ তনয়া

দাঁও বরাভয় ওমা মহামায়া

এই দীনহীনা করে প্রণতি ।

আমি মুঢ়মতি অতি জ্ঞানহীনা

কেমনে তরিব মাগো তোমাবিনা

কাথাগো চরণে এই মিনতি ॥

## উপহার

এক দুই তিন করি,  
কত দিবা বিতাবরী,  
চলে গেছে কত বর্ষ বুকে লয়ে তার ।  
প্রতিদিন যত তার,—  
বহিয়াছে অশ্রুধার,  
তাই লয়ে গাঁথিয়াছি এই ফুলহার ।  
সে মালা তোমার গলে,  
আদরে দোলাব ব'লে ;  
তাই সখে আনিয়াছি নেবে নাকি আজ ?  
যে ফুল আমার মনে  
ফুটে ছিলো সংগোপনে  
সেই ফুলে গাঁথা মালা ওহে হৃদিরাজ ।  
কি রুদ্ধ বাসনা তার,  
করে শুধু হাহাকার,  
অবরুদ্ধ হৃদি পরে করে আনাগোনা ।  
দেখাতে পারিনে সে যে,  
লয় পায় হৃদে বেজে  
কত আশা কত সাধ নাহি যায় জানা ।  
তবু তার গুটি দুই,  
ভুলে মালা গাঁথি এই,  
দেখিয়া তোমার গলে জুড়া'ব জীবন ।

দেখি ছিন্ন ফুল রাশি ।

হেসোনা অকুটী হাসি ।

এরো মনে ছিল কত আশা আকিঞ্চন ।

৭ই জুলাই । ১৮৯৯

## বিদায়ে ।

ভগ্নে

সেত গেছে চ'লে,

মোর কাঁছে ফেলে,

তার আঁখি জল ।

কেন

না হেরি তাহারে

হয় বারে বারে

পরান বিকল ।

তার

রুদ্ধবাসনার

তপ্ত অশ্রুধার

বিঁধিছে পরানে ।

সেবে

ছল ছল চোখে,

চেয়ে মোর দিকে

কাঁদিত গোপনে ।

আমি

কত নিশি তারে

নয়নেতে হেরে

ভুলেছি আপনা ।

## বিদায়ের ।

৫

- সেবে      আমারে দেখিয়া  
কাঁদিয়া কাঁদিয়া  
হত আনমনা ॥
- আহা      যেন বলিবার  
কত ছিল তার  
বলাভ হলোনা ।
- হায়      দিন চলে গেল  
সকলি ফুরা'ল  
মে শুধু এলোনা ।
- বল      গেছে কতদূর  
বেদনা বিধুর  
হৃদি খানি ল'য়ে
- আজ      কেন সে তাহার  
ব্যথা অশ্রুধার  
গেলনা মুছিয়ে ।
- ওই      গগনের গায়  
শোভে নীলিমায়  
যত তারাবালা
- তারা      মাধুরী ছড়ায়ে  
ধরা পানে চেয়ে  
করে কত খেলা ।



## নিবেদিতা ।

তাই আমি ভাবি মনে  
বুঝি সংগোপনে  
তার ছুটি আঁখি ।

শুধু নিরাশায় মরি  
ঢালে আঁখি বারি  
আমা পরে রাখি ।

ওগো তাই বিশ্বাসী  
পোহাইলে নিশি  
দেখে যে নীহার ।

এই দুর্বাদল পরে  
গাঁথা থরে থরে  
মুকুতার হার  
সেয়ে তার-অশ্রুধার ।

## কেন সে বাজায় ?

১

সে কেন অমন করে বাঁশরী-বাজায় ?  
বিপিনে বাজায় বাঁশী পশে হৃদি মূলে আসি  
বাঁশী কেন নিতি নিতি আমারে কঁদায়  
কেনরে অমন করে বাঁশরী বাজায় ।

২

কেন বাঁশী থেকে থেকে করে আলাপন  
যবে আমি আনমনে, বসে থাকি বাতায়নে  
ধ্বনিয়া মধুর সুরে করে আবাহন  
সে কেন বাঁশীতে সখি করে আলাপন ?

৩

তোজেছি সকল সখি বাঁশী তরে তার  
কুলশীল লাজ ভয় ত্যাজিয়াছি সমুদয়  
সদা গুরুজন ভয় নাহিলো আমার  
সকলি তোজিছি সখি বাঁশী তরে তার ।

৪

কেন সে অমন করে বাঁশরী বাজায় ।  
এত করে বাঁধি মনে রাখি প্রেম সযতনে  
তবু বাঁশী কেন সখি আগারে কাঁদায় ?  
সে কেন অমন করে বাঁশরী বাজায় ?

৫

সে যেন সজনী বাঁশী আর না বাজায়  
যাও সখি বু'লো তারে আর-যেন-বারে-বারে  
পাগল করিয়ে মোরে বাঁশী না বাজায় ?  
কেন সে অমন করে বাঁশরী বাজায় ?

## রামচন্দ্র ।

শ্যামল সুন্দর,                      রাম রঘুবর,  
লক্ষ্মণ পূর্বজ রাবণারি ।  
দশরথ তনয়,                      সরল হৃদয়,  
মহারাজ হে নৃপকেশরি !  
সীতাপতিরাম,                      স্ততনু স্ত্যাম,  
দেব হরধনু ভঙ্গ কারি !  
কৌশল্যানন্দন,                      বন্দে জগজন,  
গাহে সদা মহিমা তোমারি ॥  
পিতৃ সত্য তরে                      দ্বাদশ বৎসরে  
করিল দারুণ বনবাস ।  
পঞ্চবটী বনে                      নিশাচরগণে  
সীতা হরি করিল উল্লাস ।  
দ্বাদশ যোজন,                      সমুদ্র বন্ধন,  
করেছিলে তুমি অনায়াসে !  
স্বর্ণ-লঙ্কাপুরী,                      ছারখার করি,  
সীতা উদ্ধারিলে কত ক্লেশে ॥  
সহচর সনে,                      রাবণ নিধনে,  
পুরা'লে দেবের মনোরথ ।  
জয় জয় রাম,                      গাহি অবিরাম,  
চলে কপিগণ তব সাথ ॥

অনল জ্বালিয়ে, সীতা পরিক্ষীয়ে,  
 লয়ে গেলে দেবী নিজ ঘরে ।  
 পুন বনে দিলে, অসতী ভাবিলে,  
 নিল বাল্মিকী তারে আদরে ।  
 গর্ভবতী সতী, বনে দিলে পতি,  
 জনমিল তনয় আশ্রমে ।  
 শিখাইল গান, গাথা রামায়ণ,  
 মুনিবর তারে কত প্রেমে ।  
 সত্য রঞ্জনে রাজা, পুত্র-সম প্রজা,  
 পালিলে সদা অতি যতনে ।  
 যজ্ঞ আরম্ভিলা, বাল্মিকী আসিলে,  
 লয়ে জানকীরে পুত মনে ।  
 লবকুশ গীত, শুনি হরষিত,  
 আদরে কোলেতে তুলে নিলে ।  
 জনমদুঃখিনী, জনক-নন্দিনী,  
 তারে দেখে নাহি সম্ভাষিলে ।  
 সীতা মনোহুঃখে, রহে অধোমুখে,  
 ডাকে ধরণী লওমা কোলে ।  
 মেদিনী ফাটিল, রাণী চলে গেল,  
 কেশে টানি তুমি রাখিলে ।  
 প্রতিমা সোণার, গঠিলে সীতার,  
 ব্রহ্মচর্য্য কর অবশেষে ।

শ্যামলসুন্দর,      তমু মনোহর,  
 পুন শোভিল গৈরিকবেশে ।  
 নীলোৎপল দল,      নয়ন যুগল ।  
 জয় জয় রাম রঘুবর ।  
 গাহি তরু গাথা,      যুচে ছদি ব্যাথা.  
 দয়ার সাগর গুণধর ।

## সুন্দাবন দর্শনে ।

এই কুঞ্জবনে মধুপ গুঞ্জে  
 কত কথা আজি জাগিছে স্মরণে ।  
 আছে সে মাধবী লতিকা তমাল,  
 আছে নিধুবন প্রেমলীলা স্থল  
 কোথা বনমালী রাধিকা রমণ ।  
 কোথা ব্রজসখা চরা'ত গোধন ?  
 কোথা সে মানিনী রাধা প্রেমময়ী  
 কোথা পিতানন্দ সে যশোদা মায়ী ?  
 কোথা ব্রজবালা গাঁথি বনমালা  
 পরা'ত শ্যামেরে নাচিত সে কালা ।  
 দেখি শ্যামচাঁদে কত শুকসারী  
 আনন্দে নাচিত ময়ূর ময়ূরী ।

কোথা সে যমুনা স্বচ্ছ নীলিমায়, --  
 বুকে তুলে তার নিত শ্যামরায় ?  
 আছে দেহ তার প্রাণ শূন্যকায়া  
 দিতেছে কদম্ব সুশীতল ছায়া ।  
 আছে সে শ্যামল নব দুর্বাদল  
 যাহাতে চরিত কৃষ্ণ-ধেনু দল ।  
 সকলি সে আছে শোভা নহি শুধু ।  
 আছে বৃন্দাবন আছে গোপবধু ।  
 শ্যামহারা হয়ে মরমে মরিয়ে  
 সবে আছে সখি স্মৃতি বুকে লয়ে ।

৭ই জুলাই ১৮৯৯ ।

## দময়ন্তী ।

বিশাল গভীর বন ঘন অন্ধকার,  
 নীরবতা মহাবিশ্বে করিছে প্রচার ।  
 তাল, শাল, আদি করি দীর্ঘ তরুচয়  
 মহাশুলে উর্দ্ধমুখে দাঁড়াইয়া রয় ।  
 ভয়াল ভীষণ কিন্তু শাস্ত বনস্থলী  
 যেথা গেছে নলরাজা বৈদভীরে ফেলি ।  
 পবিত্র দাম্পত্য ভাব সরলতা মনে  
 স্মৃতিমগ্ন, জানে দেবী আছে পতিমনে ।

হেনকালে কাল নিদ্রা ভাঙিল তাহার  
 চমকি চাহিয়া বালা হেরে চারিধার ।  
 বিস্ময়ে ব্যাকুল মন না হেরি' নরেশে,  
 এখনি আসিবে রাজা কস্মি অনশেষে  
 ভাবে মনে ; বুঝি সন্ধ্যা-সূর্য্য অস্তগামী  
 নিত্য ক্রিয়া সমাধানে গিয়াছেন স্বামী  
 নানা, এত নহে সাক্ষ্য সমীর হিল্লোল,  
 এ যে গভীর রজনী ঘন বনস্থল ।  
 কোথা যাব তরুপত্র বিহঙ্গ নিকর  
 বোলে দাও মোরে কোথা মম প্রাণেশ্বর ?  
 পথশ্রমে শ্রান্ত হৃদে মাগিতে আশ্রয়  
 রাজ্য ধন হারা স্বামী গিয়াছে কোথায় ?  
 ওমা বনদেবী তুমি বলগো আমারে  
 কোন পথে গেলে আমি পাইব পতিরে ?  
 কাঁদিল কাতরে কত দময়ন্তী সতী  
 তবু না আসিল ফিরে নল মহামতি ।  
 হাসিল ঝিকট হাসি উচ্চ প্রতিধ্বনী,  
 গণিল প্রাণ মনে নলের কামিনী ।  
 কত কষ্ট পাবে রাজা আমার বিহনে ।  
 সকাতরে ফুটুকর ডাকে ভগবানে ।  
 দেখো দেব সুন আজি মম এ মিনতি  
 কোন মতে যেন তাঁর না ঘটে দুর্গতি ।

মহারাজ হ'য়ে প্রভু বনবাসী শেষে  
 এই কি লিখেছ ভালে বিধি অবশেষে ।  
 চরণ সেবিত রূপি আসিলাম বনে  
 তাহাতেও বাদী দেব হ'লে কি কারণে ?  
 কে তাঁরে তুলিয়া দিবে ক্ষুধা পেলে ফল  
 বুঝি রাজা তমঃ পেলেন নাহি পিবে জল ।  
 হে ঈশ্বর দেখো তুমি পতির আসাব  
 ম্পূরসে ভরা কল মুখে দিও তাঁর ।  
 যত উৎস খুলে দিও পিণাসার বাধি  
 বাধিও প্রার্থনা মম বাসি সতী নরো ।  
 শূন্যে কলি মহানন্দে কহিল ডাকিয়া  
 "দেখলো দুর্গতি কত নলেরে বরিয়া ।  
 অরুণ কালে কৈল যত অপমান  
 এনে সব শোধ দিও করি হত মান ।  
 যো এনে গর্দিতানারী ধর কত বল  
 কোমল কেননে সাথে পুণ্যশ্লোক নল ।

৫ই জুলাই ১৮৯৯





## সখীর প্রতি

১

সখিরে ! নিষ্ঠুর বোলোনা তায় !  
সে যদি নিষ্ঠুর হবে      অত প্রেম কার তনে  
আমার হৃদয় তন্ত্রী সেই শ্যামরায় ।  
সে বাঁশী তাহার মুখে      সে বাঁশী আমার বুকে  
অনিয়া মধুর সুরে মরমে লুকায়  
সখিরে বোলোনা নিষ্ঠুর তায় !

২

সখিরে বোলোনা কপট তায় !  
সে নহে কপটকালী      জানেনা কথার ছল  
ভালবাসে তাই আসে দেখিতে আমায় ।  
সেতে যেতে ফিরে চায়,      বাঁশী কাদে উভরায়  
লোক লাজ ভয়ে সখি কিবা আসে যায় ?  
কপট বোলোনা সখিরে তায় !

৩

সখিরে সে নহে লম্পট শ্যাম  
সে বে মন প্রাণাধার      রাধা গায় বাঁশী তার  
হৃদে তার লেখা আছে শুধু রাধা নাম  
বাধারে পাগল করে :      সে ফেরে যমুনা তীরে  
লাডায় কদম্ব মূলে খুলি কেশ দাম !

৪

সখি, জানেনা চাতুরী ছলা  
আলিঙ্গিতে শ্যামকায় যমুনা বহিয়ে যার  
নীরবে প্রণয় গীতি গায় কত বালা ।  
দিতে শ্যামে উপহার শিরে পুষ্প অর্ঘ্য ভার  
কেতকী, কদম্ব হের শোভায় উজলা  
সেখে জানেনা চাতুরী ছলা ।

৫

শ্যাম মম নীরদ বরণ  
বিজলী তাহার আশে লুকায়ে নীরদ পাশে  
রূপ তার ক্ষণপ্রভা করে দরশন  
হের সখি শ্যামে হেরি নাচে ময়ূর ময়ূর  
কি কারণে আমোদিত করে কুঞ্জবন,  
শ্যাম মম নীরদ বরণ ।

৬

সখি সেখে বিশ্বের জীবন  
দেখলো শ্যামেরে তুমি তমাল ডালেতে বসি  
কুহ স্বরে পিকবধু গায় কত গান  
নব দুর্বাদল দল আছে হয়ে সচঞ্চল  
কবে শ্যাম তার পারে করিবে শয়ন  
সে শুধু আমার নয় বিশ্বের জীবন !

৭

সখি সে নহে গোপিনী রমণ  
 কুঞ্জবনে বাঁশী যবে বাজে রাধা রাধা রবে  
 গোপবধূ সবে মিলি করে আগমন  
 বিবশা কূলের বালা সহিতে পারে না জ্বালা  
 আদরে কালারে হৃদে করেছে বরণ  
 তাইলো আমার শ্যাম গোপিনী রঞ্জন ।

৪ঠা জুলাই ১৮৯৯।

মিছে ।

সবি কি গো গেছে

ওবে কেন মিছে

এত মায়াপাশ ?

সুচেছে কি আশা

দারুণ নিরাশা

হাসে অট্টহাস ?

বৃথা এ প্রমোদ

ধরার আমোদ

সার অশ্রুজল

এত স্নেহ দয়া

এত প্রেমমায়া

সকলি বিফল ।

মিছে ।

প্রহেলিকা প্রায়

সবি মিশে যায়

• রয় শুধু স্মৃতি

সারাটা জীবনে

কার অব্যেথনে

• কে আমার সার্থী

ঘোর অন্ধকার

এত হাহাকার

কিছু নাহি রয়

দিতে নিতে খালি

সায় পিছে ফেলি

এ দীর্ঘ সময়

মিছে এ কামন

বৃথা এ বাসন

সব দূরে থাক

তোনারি মূরতি

হোক চির সার্থী

প্রাণভরে থাক :

প্রার্থনা ।

ওহে রমানাথ করি প্রণিপাত ।

যুক্ত ঘেন রহে আত্মা তব সাথে

## জীবনে মরণে ।

যবে কশ্ম মোর হবে অবসান  
 তুমি পদপ্রান্তে দিও দেব স্থান ।  
 আমা হ'তে তুমি ভাব মোর তরে  
 অধিক কি আর कहিব তোমারে ?  
 তুমি চন্দ্র সূর্য্য হতে জ্যোতিষ্মান  
 কেমনে গাহিব তব প্রেম গান ?  
 হে বাল গোপাল । বংশীধর হরি !  
 কর জ্ঞান দান তব নাম স্মরি ।  
 জানিনাত দেব ভজন পূজন  
 করিবা কি ক'রে তব আরাধন ?  
 প্রাণ চায় তোমা জানি বারে বারে  
 করো'না বিচ্ছেদ তোমা হতে মোরে  
 হে অনাদি শ্রেষ্ঠ সব হতে তুমি  
 পুরুষ ! পুরাণ ! জ্ঞান লীলা ভূমি !  
 আশী লক্ষ বার করিয়ে ভ্রমণ  
 পেয়েছি বাঞ্ছিত মানব জীবন ।  
 আনন্দেতে হরি তব নাম করি  
 জয় দয়াময় বলে যেন মরি

এই নিবেদন চরণে ।

## বিশ্বেশ্বরের আরতি ।

মঙ্গল আরতি ধ্বনি অন্নপূর্ণাধামে  
জাগা'য়ে পাতকী নরে    কহে ঘণ্টা কি গভীরে  
কাস্ত হরে মুঢ় মন দেখ হর বামে  
বিরাজেন রাজ্যেশ্বরী,    কত রূপ আহামরি,  
ক্ষণ মাথা নত করি কররে প্রণাম  
হেম খালে অন্ন ল'য়ে    মহাকালে ভিক্ষা দিয়ে  
দেখান জগৎ জনে ধর্ম-অর্থ-কাম !  
মাগো তুমি মহামায়া    গিরিসুতা ভবজায়া  
ক্ষুধায় কাতর নরে কর অন্ন দান  
শিব যে মানব তরে    লয়ে ভিক্ষা পাত্র বরে  
দাঁড়ায়ে তোমার দ্বারে হের মূর্তিমান !  
শিব শক্তি তুমি দেবী    কোটী চন্দ্র তারা রবি  
তোমারি মঙ্গল গীত গাহে অরিরাম  
পুণ্য বারাণসী ক্ষেত্রে    এসেছি অশান্ত চিত্তে  
জুড়া'ল হৃদয় মম হেরি শান্তি ধাম ।  
অসি বরুণায় মিশি    হেথা গাহে দিবানিশি  
হেথায় মহান্ সৃষ্টি নাহি ভেদাভেদ,  
হেথায় প্রকৃতি লীলা    ত্রিকাণ্ড লইয়ে খেলা  
শিখিছে অনন্ত শিক্ষা কত মহাবেদ ।

জয় জয় বিশ্বেশ্বর                      গাহিছে স্রষুপ্ত নর  
 বাজিছে মঙ্গল শঙ্খ ভেদিয়া গগন !  
 শিখাও মা ক্রমা ভক্তি    দাও গো জীবের মুক্তি  
 তোমারি করুণা কণা কর বিতরণ ।

: ৮২২

## সন্তান ।

কোথা হতে কেন তোরা

এসেছিস্ পথহারা

দেব শিশুগণ

আসিয়া আগার দ্বারে

কেন চাস্ মুখ প রে

অযাচিত ধন ?

কোন স্বর্গে ছিলি তোরা

নগ্ন তনু মায়া ঘেরা

ওরে তোরা কার

উজ্জলি বিমান পথে

আসিলি কনক রথে

শিশু স্ত্রকুমার ।

কে সেই অমর কাল।

সার কোল করি আলা।

ফুটে ছিলি ফুল -

ত্রিদিব নন্দন বনে

দেব পারিজাত সনে

শোভায় অতুল

বুঝি সেই দেব নারী

পিয়াতে পীযুষ বারি

স্নেহে ঢল ঢল,

হয়ে গেলি কুক্ষচাত

ক্ষুদ্র দেহে বল কত

রে শিশু চপল

দীপ্ত দিনমণি ভায়

স্বর্গ পথ মেঘ ছায়

এলি তাই ধরে

মমতা অমিয়া মাপি

স্নেহ পক্ষে সদা ঢাকি

রাখিব আদরে

থাক মোর ঘরে ।



## আক্ষেপ ।

আজি এই শুভদিনে জাগিছে স্মরণে  
সে দিনের কথা।

সেই আকুল চঞ্চল বেদনা বিহ্বল  
হৃদয়ের ব্যাথা ।

সেয়ে            কত দিন ধ'রে            বলেছিল মোরে  
                                 তার সে কাহিনী

ছিল অমৃতের ধারা                      সে আপনা হারা  
জীবন সঙ্গিনী ।

ওগো      বুঝি পথ ভুলে      এসেছিলো চ'লে  
                 স্বরগের রাণী

তাঁই কাজ সমাপিয়ে গিয়াছে চলিয়ে  
সুখমার খনি ।

হায়            সে দিন (ও) এমনি    মাধবী যামিনী  
                                 উজ্জলি ভুবন,

আহা      ল'য়ে তার স্মৃতি      সে মাধবী রাস্তি  
                 স্বপন মগন ।

আমি            তারে বুকে রেখে            তার মুখ দেখে  
                         ভাবেতে বিভোর,

আজ একা রেখে মোরে গেছে কতদূরে  
মম মনোচোর ?

# শনি

১

ধুম্র বরণ                      নীল বসন  
নীল বিমানচারী ।  
চায়াবন্দন                      নীল রতন  
অতি প্রিয় তোমারি ।  
নীল হয় বিহারি ॥

২

তুমি ক্রুর গ্রহ অতি ভয়ঙ্কর  
মঙ্গ রক্ষ নর                      ডরে নিরস্তর  
তব ভয়ে তারা কাঁপে থর থর ।  
ওহে শনৈশ্চর মহাভয়হারী ।  
কোটা কোটা তোমা নমস্কার করি ॥

৩

তোমারি কোপেতে শ্রীবৎস রাজা  
রাজ্যধন হারা, পেলেন কত সাজা ।  
চিন্তা পত্নী সনে                      যায় ঘোর বনে  
হাহাকার রাজ্যে কাঁদে যত প্রজা ।

৪

মুখ হতে তুমি অন্ন কেড়ে নিলে  
দধি মীন তার পালা'ল সলিলে ।

আরো কত কষ্ট দিলে অনশেষ  
পত্নীহারা রাজা পেলেন কত ক্লেশ ।

৫

নানব জীবনে উন্মাপিও প্রায়  
তোমার উদয় যখনি হে হয় ।  
কোপ দৃষ্টে যদি চাহ একবার  
কোথায় সকল লয় পায় তার ।  
রক্ষা কর মোরে ওহে ভয়হারী  
আমি মহাভীত আশ্রিত তোমারি

## আহ্বান ।

চঞ্চল নুপুর ও চারু চরণে  
বাজিছে রাগিণী নব নব তানে  
এস গীতময়ি ! এ মনো ভবনে  
যাক পুলকে ভরিয়ে হৃদয় ।  
আমি তোমা দেখি হ'য়ে আত্মহারা  
দেখেছি কি তুমি মোর অশ্রুধারা  
কি মহা স্বপনে আমিলো বিভোরা  
দেখিতেছি তোমা সারা বিশ্বনয়

এই যে উঠিছে মধুর কঙ্কার  
শুনি দূরে বায় হৃদয়ের ভার  
পরাণেতে হয় প্রীতির সঞ্চার

কোথা পেলো দেবি এ নব তান ?  
কত যুগ তুমি করেছ সাধনা  
তাই এ বাজিছে করুণ মূর্ছনা  
কার হাতে গড়া তব ওই বীণা

বলে দাও মোরে শুধু সঞ্চার ।  
আমি জন্ম জন্ম করি আরাধন  
খুঁজে লব কোথা আছে সেই জন  
কোন শিল্পী তব করেছে গঠন  
মোহ মদিরায় ভরা ও মুর ।

আমি শাস্তি হারা এসেছি এ পথে  
তুলে লও মোরে ওই পুষ্প রথে  
চিরদিন রব তব সাথে সাথে  
দেখাও মোরে কোথা তব পুর ?

১৮৭৩



## একাকিনী ।

রেখে যারে তোরা মোরে একাকিনী  
হৃদি হতে মোরে                      রাখ বহু দূরে  
হেথায় কাঁদিব দিবস যামিনী ।

আমি একাকিনী ॥

চলে যারে তোরা আনন্দ ভবনে  
মোর আঁখিধারা                      দেখিস্ না তোরা  
যুচাব বেদনা কাঁদিয়া নির্জনে ।

\*                      চির নিশিদিনে ॥

এই যে নির্জন প্রকৃতি সুন্দরি ।  
আমি দিবানিশি                      হেথা রব বসি  
মুছিব এ অশ্রু তার রূপ হেরি ॥  
দেখ চেয়ে বহে বসন্ত পবন  
মোর ব্যাথা নিয়ে                      স্বর্গ মাঝে গিয়ে  
কহিবে সে কত দেবের সদন ।

মোর বিবরণ ॥

নিরেছি বিদায় ভোমাদের কাছে  
কিরে যারে তোরা                      মরমেতে মরা  
আমি শাস্তি হীন কেন মোর পিছে ?  
মোর অশ্রু আছে ॥

চিরদিন কঁাদি অলস নয়ন  
 যবে শ্রান্ত হবে                      বিদায় লইবে  
 এই আঁখি জল নিভিবে তখন ।  
 শুমে অচেতন ॥  
 যবে স্বর্গ দূত আসিবে হেথায়  
 এই দেহ মোর                      স্বপনে বিভোর  
 নিয়ে যাবে তুলে কৈন অমরায় ।  
 যাবলে কোথায় ?  
 দেরে পুন দেরে বিদায় আন্মায়  
 চিরদিন তরে                      রেখে যারে মোরে  
 হলে দেহ লীন আসিস্ হেথায় \*  
 এই নিরাশায় ।

సమీక్ష

দেবতা ।

2.

ধ্যানে গড়া দেবতা আমার !  
 কি দিয়ে পূজিব বল চরণ তোমার ?  
 ও শব্দ পূজিতে গেলে ভাসে আঁখি আঁখি জলে  
 কত ক্রটি হয় প্রভু কদম্ব বার বার ।

২

মানসের প্রতিমা সাকার  
 অখিল ব্রহ্মাণ্ড মাঝে জ্যোতির আকার  
 নয়ন মুদ্রিয়া যবে গড়ি তোমা মনে ভেবে  
 তব রূপে আলোকিত বিশ্ব চরাচর ।

৩

আরাধা দেবতা সাধনার  
 হে মলিন মুখখানি মূর্তি সুষমার  
 মানস কল্পনা ছবি সত্যের তরুণ ব্রীষ  
 কি দিয়ে চিত্রিত তব মূর্তি অপার ।

৪

তুমি প্রিয় দেবতা আমার  
 সাধ হয় লুটাবারে চরণে তোমার  
 ও চারু সৌন্দর্য্য মাখা ললিত লাবণ্য ঢাকা  
 সরলতা প্রতিমূর্তি আনন তোমার ।

৫

ওই মুখ নিত্য ভালবাসি  
 হে মম হৃদয় রাজ্যে কিশোর সন্ন্যাসি !  
 কি ব্যথা হৃদয়ে ঢাকা চোখে তা রয়েছে অঁকা  
 কেন গো গোপন মোরে মনোবিন বাসি !

৬

তব পদে লইয়া স্মরণ  
প্রাণের অতৃপ্ত আশা মিটেছে এখন  
আঁখি জল মুচিয়াছি      ভালবাসা ভুলে গেছি  
ভিখারীর পূজা এবিধে করিবে গ্রহণ ?

১৯০২ এই জুলাই ।

## দুঃখ সঙ্গিনী ।

প্রাণ	জীবন সঙ্গিনী	মম আদরিণী
	রেখেছি হৃদয়ে মোর ।	
	এ চির জীবন	তোনারে দেখিতে
	পর্যণ হয়েছে ভোর ॥	
মর	অঞ্চলের নিধি	মাণিক মুকুতা
	ছেড়ে দিতে প্রাণ কাটে ।	
ভোর	আমারি লাগিয়া	কাঁদিয়া কাঁদিয়া
	নিশিদিন দুঃখে কাটে ॥	
লখি	আমারি মুরতি	স্বপনে দেখিয়া
	হৃদয়ে একেছে বসনে ।	
সেবে	আমারি লাগিয়া	বাসর রচিতা
	অমন আমারি খেলানে ॥	



- ভাই নিপুণ করেছে গাঁথিয়া মালিকা  
আমারে পরাতে আসিছে ।
- সখি সুনীল বসনে তুন্টুটা ঢাকিয়ে  
নব অভিসারে সেজেছে ॥
- সেবে ছায়া মতন মম সহচরী  
আমি যে তাহার ধারণা ।
- সদা অন্তরের মাঝে আমারে পূজিছে  
আমি যে তাহার কামনা ॥
- তার মম অন্তঃপুরে আমারি আসন  
আমি তার প্রিয় সাধী ।
- যবে বাসনার সনে লালসা খেলিবে  
নয়নে জ্বালাবে জ্যোতি ॥
- যবে স্বন অন্ধকারে ঢাকিবে মোদিনী  
হিম্মানী ঢাকিবে তুহিনে ।
- যবে বিশ্ব চরাচরে রবেনা প্রভেদ  
সলিল তপন গহনে ॥
- যবে ব্যোমের উপরে মহাব্যোম শুধু  
গিলিবে অনন্ত নিখিলে ।
- যবে ধারণা কামনা এক হ'য়ে যাবে  
আমিও রবেনা ভুলে ।
- মেরো তখনো সজনি । পলকে পলকে  
। খেলিবে প্রেমের খেলা ।

২৪

আঁখি অনিমিষে তোমারে দেখিতে

কাটিবে মরণ বেলা ॥

১৮৮৮

## দোষ কার ?

নাগো দোষ কাবো নাও

দোষ শুধু অদৃষ্টের

আপন অদৃষ্ট ভাবে

কেনি জল নয়ানব ॥

নহ দাবী তুমি যদি

নহি দোষ প্রভু অর্পন ।

কে জানে কে শুধু দাবী

জানগো অন্তরযামী ॥

কলে দিন অবসান

পশ্চিমে ডুবিবে বাব ।

কেন আসে আঁখি বা র

ভরি সে বস্ত্রিম ছাব ৮

একে একে দিন গেল ।

বুঝি হ'ল আয়ু শেষ ।

পুন কি দোষতে পব ।

ববেনা জানন কোল ।

কিছুই দিলেনা প্রভু  
 সবি বাকি রয়ে গেল ।  
 কোন সাধ না মিটায়ে  
 বুঝি জীবন ফুরাল ॥  
 দিয়াছ কাঁদিতে শুধু  
 আর কিছু দাও নাই ।  
 আগন ক্ষুদ্রতা হেরি  
 সদা প্রাণ কাঁদে তাই ।

২৮০

## সুপ্তি ।

নীরব মধুর বীণা, নীরব নাধুরী  
 লুমন্ত মুখের পরে পড়িছে লুটিয়ে ।  
 চুমিছে উন্মুক্ত বায় সৌন্দর্য লহরী  
 কে ভুমি গো সুপ্তি মগ্ন বীণা কোলে ল'য়ে  
 ভগ্ন বীণা ছিন্ন তার করেনা ঝঙ্কার  
 মোন মুখে দীনভাবে শ্লিষ্টে পড়িয়া ।  
 আপন অবশ দেহ রাখিতে তাহার  
 পারেনি বন্ধেতে তব নীরবে কাঁদিয়া  
 অধোমুখে তাই আছে । কাতরতা তার  
 আছে কি ধরায় কেহ পারিবে বুঝিতে ?

প্রাণহীন দুঃখ শোক নীরব ভাষার  
 বুকে তারে তুলে ল'য়ে আপন করিতে ?  
 হে পথিক সারানিশি গেয়েছ কাতরে  
 কি গান আপনহারা আপনা মোহিয়া ?  
 মরণ কাতর এই ধরণী মাঝারে ?  
 নিশি শেষে শ্রান্ত মনে বিশ্রাম মাগিয়া  
 তাই কি শুয়েছ এই অনন্ত শয্যায়  
 ক্ষীরোদ সাগর মাঝে যথা নারায়ণ ?  
 আপনি অন্বুজা বসি রূপের প্রভায়  
 আলোকিয়া দশদিশি প্রেমেতে মগন  
 করেছিল পদসেবা । কোথা রমা তব,  
 সংসার নীলান্বু মাঝে তুমি কি একেলা ?  
 গেয়েছ বিজনে বসি যত গান সব  
 সমাপন হল আজি তাই এই বেলা ?  
 ভাবের কোমুদী দীপ্ত সুধাংশু কিরণ  
 খেলিছে মুখেতে তব থাকহে বিভোর  
 নয়নে ফালায়ে জ্যোতি জাগ্রিত স্বপন  
 এ জনমে ভাসিওনা চিরসুপ্তি ঘোর !  
 ভূমিও ঘুমাও বীণা চির অন্ধকারে  
 অনন্ত আস্থান তব হের চারিধারে ।

## পিতা ।

কেমনে শুধিব ঋণ জনক তোমার ।  
যে দিন সংসার মাঝে  
জন্মিলাম নব সাজে  
সেই দিন হতে নিত্য বাড়ে তব ধার ।  
তার পর তব কোলে  
আদর দোলাতে ছলে  
সোহাগ লহর তুলে বাড়িনু আবার ।  
সংসারে তাপিত কায়।  
তুমি না করিলে মায়া  
বল বুদ্ধি বিবেচনা কোথা যেত তার ।  
আশৈশব তব মনে  
যে শিক্ষা লভিনু মনে  
কিশোরে সে মনোবুদ্ধি পরিণতি পায় ।  
যার বলে এত দিন  
ধূলিতে হইনি লীন  
সে শুধু নিশ্চয় পিতা তোমারি কৃপায় ।  
সংসার সমুদ্র শিরে  
গর্জিতেছে ঘনঘোরে  
দাঁড়ায়ে অচল সম নাহি কোন ভয় ।

নির্দেশিলে লক্ষ্য স্থলে  
 চলিলু তোমার বলে  
 হাত ধরে চলিলাম ধীরে পায় পায় ॥  
 তুমি যদি এ সুপথে  
 মোরে আজ না দেখাতে  
 ক্ষুদ্র এই মন বুদ্ধি কোথা যেত ভেসে ?  
 করিয়ে জীবের সৃষ্টি  
 প্রকৃতির পরিপুষ্টি  
 শিক্ষা'লে সম্মানে কত ধর্ম অবশেষে ॥  
 প্রদানি স্নেহের ছায়া  
 কত তারে কর দয়া  
 সাধ্য কি মানব শোধে কণামাত্র তার ?  
 কভু যদি দেখ তার  
 লেশ মাত্র দুঃখ তার  
 কত না যতনা পাও হৃদয়ে তোমার ॥  
 তুমি প্রতিমূর্তি দেব বিশ্ব বিধাতার ।  
 বিশ্বয়ে বিমুগ্ধনেত্রে করি নমস্কার ॥  
 বত অপরাধ পিতঃ করিয়াছি পায় ।  
 চুঃখিনী তনয়া তব আজ ক্ষমা চায় ॥

## ভ্রমর ।

ধলো লো মানিনী বধু      তোর বুকে এত মধু  
কানো মেয়ে ব'লে সবে করে অপমান ।  
হোক কানো কিবা ক্ষতি      তুই যে সরল অঁত  
কোনল হৃদয়ে তোর বড় অভিমান ॥  
কাল মান কাল হল      সুখা হ'ল হলাহল  
সাধেব প্রেমেতে তোব আনিল বিষাদ ।  
বাঁধক মানেরে ছাড়ি      না গেলে “বাপের বাড়ী”  
তা হ'লে ঘটতি কিরে এত পরমাদ ॥  
ও কালে সুখা'ল ফুল      শুধু ক্ষণেকের ভুল  
মাহারে করিয়ে দিল আন ফুটিল না  
১. যুগো গোবিন্দলাল      না মানিলে কালাকাল  
চরণে দলিলে যারে সেতো করিল না ।  
২. খাবার নহ তুমি      তাই ত্যজি মরতুমি  
গিয়াছ ছ্যালোকে চলি সরল কুসুম ।  
অশীয করলো সতি      শিখি মোরা পুণ্যবতি  
আমরণ পতিভক্তি যেন তব সম ।

---

## দরিদ্র ।

১

পুত্র, সূক্ষ্ম, অচঞ্চল, পাষণ্ড মৃত্তি ।  
অগ্নিরে দরিদ্র আয় জীবনের সাধী ।

সংসারে সকলে মোরে গেছে যবে ছেড়ে দূরে  
কাদি আমি এ প্রান্তরে একা চিররাতি ।

২

বিকট ভাঙ্গা মূর্তি অস্থিচর্মসার ।  
হে দারিদ্র্য দুর্ভিক্ষের নিত্য-সহচর,  
সংসারে কঙ্কাল-মালা নয়নে অনন্ত-হাল  
হৃদয় পুড়িয়ে গিয়ে হয়েছে অঙ্গার ।

৩

তোর ভীম ঝঞ্ঝা-নাগু বহিবে যখন  
কহিবে সকলে শুধু দীন অভাজন ।  
সংসার বিদ্রূপ হোলে ফেলে যায়ে সবে শেষে  
শব-সম হেয় করি ছাড়য়ে জীবন ।

৪

হে দারিদ্র্য কিশোরিতে অকুর-উদর  
যৌবনেতে নর সনে নিত্য পরিচর  
সম্মুখে স্থপের রবি আশা যে দেখায় ছাি  
অভাগ্য সে হীন এণ শুধু চেয়ে রয় ।

৫

প্রাণে তার কত সাধ কত আকিঞ্চ  
কে বুঝিবে বল তার ষাভনা বেদন ।  
নাথ না মিটাতে পেয়ে, শুধুই নয়ন কয়ে,  
হুণা লাঞ্ছনায় করে অঙ্গের ভূষণ ।



৬

একবার তুমি যারে কর আলিঙ্গন  
 ডাকে সেই দিবানিশি কোথায় মরণ ?  
 আর কেহ এ সংসারে নাহি তারে সমাদরে  
 হোক সে মানীর শ্রেষ্ঠ জ্ঞানী গুণী জন ।

৭

যে জন অভাগ্য হেয় সুগিত জগতে  
 তবু সে যে তব প্রিয়, আছ তার মাথে ।  
 এই শাস্তি তার মনে,  
 আছ চেয়ে আনমনে,  
 শব্দিত কম্পিত হৃদে তার আশাপথে ।

৮

তোমার কঠোর করে তারে পরশিয়া  
 শাস্ত কর শাস্ত কর জর্জরিত হিয়া ।  
 অনাদরে অপমানে  
 যে ছালা তাহার প্রাণে  
 তব সেই অখি বারি দাও মুছাইয়া ।

১৮৯৮



## মাতা ।

মাগো কত ভালবাসা ধর ও অন্তরে,  
সীমাহীন সংখ্যাহীন নিশিদিন ধ'রে ।  
অনন্ত অনন্ত দিন, ক্ষুদ্র নর, জ্ঞানহীন  
চায় তোমা অশ্রুযিতে না পায় সন্ধান ॥  
সে মে গো অবোধ নর, তাই ভাবে নিরন্তর  
সীমাবদ্ধ মাতৃপ্রেম আছে মা তুলন ।  
ভূমি বেঁধে না রাখিলে, দিয়া প্রেম কত ছেদে,  
কে রাখিত বল দেবি ! উন্মত্ত মানবে ॥  
কন প্রেমময়ী মূর্তি মোহিনী জীবের খাত্তে ।  
স্নেহ, দয়া, প্রেম, পুষ্টি কে দেখাত ভবে ?  
নার জড়পিণ্ড-প্রায় যবে তার জন্ম লয়  
পিয়ায়ে পীযুষ-ধারা কর মা সবল ॥  
এক দিন মাস ধ'রে মানব আকারে ত্যজ  
পরিণত করি দাও জ্ঞান বুদ্ধি বল ।  
জননী ভগিনী জায়া কতরূপে মহামায়  
কর লীলা মাতৃরূপা মানবে তুষিয়া ॥  
সম্ভান-কল্যাণ লাগি হয়ে মাগো সর্বস্বত্যাগ  
এক মনে এক ধ্যানে সে মুখে চাহিয়া ।  
কন দয়া পাণিষ্ঠ অতি জ্ঞানহীনা মূঢ়া  
তাই গো তোমার স্নেহ পারিলা বুঝিতে ॥

এসছি তোমার কোলে      পুন যবে যাব চলে  
 পারি যেন তব কোলে এ আঁখি মুদিত্তে ?  
 তোমার আদর্শ মাতা কিবা আছে আর,  
 সর্বসহা ধরণীই তুলনা তোমার ।

## কোথা যাবে ?

কোথা যাবে কোথা যাবে তুমি প্রিয়তম  
 ভালবাসা ঘেরা এই ছদি হ'তে মম ?  
 বাহিরে দুর্দিন বড় দাঁড়ায়ে শিয়রে  
 দুঃখের অনন্ত ছায়া কাঁপে ধীরে ধীরে ।  
 সেথা যেতে নাহি দিব থাক হেথা মোর  
 এ ক্ষুদ্র হৃদয় ল'য়ে প্রেমে হোয়ে ভোর ।  
 হে অশান্ত ! হে ব্যথিত ! হে প্রিয় আমার  
 যে ওনা ছলনা-মাথা সংসার মাঝার ।  
 জানকি ধরার খেলা স্কন্ধিন কত  
 পারিবে কি উদযাপিতে সে মহান্ ব্রত ?  
 অতি শ্রুতার তব কোমল হৃদয়  
 অচল অটলভাবে বিশ্ব করি জয়  
 রহিবে আজন্ম ধরি হিমগিরি মত  
 শ্মশান বঙ্গালময় শোক দুঃখ বস্ত্র

দূরে যাবে তোমা হেরি । শুধু হাস্য মুখে  
 আনন্দেরে আলিঙ্গিয়া লবে তব বুকে ?  
 এ বিশ্ব বেদনা-গড়া, ক্রন্দনের রোলে,  
 মর্ত্য জন্ম-সাধ সব কোথা যায় চলে ।  
 স্মৃতি শুধু চিতা সম জ্বলে আমরণ ।  
 ফের পান্থ সে পথেতে করোনা গমন ।  
 স্বহস্তে রচেছি হেথা পুষ্পবীধি তলে  
 নবীন বাসর-শয্যা দিগ্ধে ছন্দদলে ।  
 নিত্য নিত্য মালা গাঁথি সাজাব তোমায়,  
 তরুণ অরুণ রূপে বিশ্ব-শোভাময় ।  
 তবে যবে সুপ্ত সবে যাব নদীতীরে  
 তব স্নান হেতু নিজের বারি আনিবারে ।  
 ল্যামা মেদিনীর গরে করিয়া শয়ন,  
 তন্দ্রাতুর আঁখি মেলি দেখিবে স্বপন ॥  
 সিত পূর্ণিমার নিশি তালিছে কেমন  
 রজত-করণ-ধারা ! শান্তি-নিমগন  
 বিশ্ব ! ছায়া সম বসিয়া নীরবে  
 অঞ্চলেতে করিব ব্যজন ধীরে ।  
 স্বপন-খচিত মুখে হেরিব কেমন,  
 কৌমুদী লুটায় পড়ি করিছে চুম্বন ।  
 নীল চন্দ্রাতপ চাক্র শান্তি শির'পরি  
 তালিবে তুহিন-কণা স্নেহপূত বারি

এ হৃদয়ে যত কিছু শুধু তোমা তরে  
সাজায়ে রেখেছি সবি যেওনাকো দূরে

৭ই জুলাই — ১

## প্রত্যাগমন ।

ওরে পথহারা শ্রান্ত শিশুটী  
ফিরে কি এসেছ ঘরে ?  
শুখায়েছে মুখ আর কোলে আয়  
গিয়াছিলি কতদূরে ?  
ওরারে অশান্ত অবোধ বালক  
ছুটে আয় ভরা আয়,  
কি দেখেছ সেথা বলনা আমায়  
'পেয়েছিস্ কেন ভয় ?  
ক'তবার মোরা করেছিলু মানা  
করুণ রোদন ক'রে ।  
না শুনে সে মানা গিয়েছিলি পইলার  
বড় অভিমান-ভরে ।  
কোন স্তরলোকে দেবতার কাছে  
গিয়াছিলি তুই চলে ।  
এ দুঃখ বেদনে ধরার ভবনে  
আমাদের একা ফেলে ।

এত দিন পরে পড়িল কি মনে  
ওরে অঞ্চলের নিধি ?  
পুন ক্রোধ ভরে যাস্নে চলিয়ে  
ফিরে, এসেছিস যদি ।

## স্মৃতি ।

কবে কোন্ অতৃপ্ত চুম্বনে      জীবনের প্রথম মিলনে  
অনিদ্রায় কেটেছে যামিনী ?  
লুকানো সে প্রাণের বাসনা, বাহিরিতে করি আনাগোনা  
সরমেতে ফুটেও ফোটেনি ॥

প্রথম-প্রণয় পুষ্পরাশি      সবে মাত্র উঠিল বিকাশি  
প্রাণে জাগে কত সুখ সাধ ।  
কৈপে ছিলো পুলকে হৃদয়      এত কিগো তারে বলা বাক  
লজ্জা আসি সাধিলরে বাদ ।

নয়নেতে ছিল ঘুম ঘোর,      সুখ নিশা হয় হয় ভোর,  
বলি বলি বলাত হ'লনা ॥

পূর্বদিকে অরুণ কিরণ,      জানাইল উষা আগমন,  
নিশি গেল আর্ত এলোনা ।

দোয়েল গাহিল মধুস্বরে,      “জাগ জাগ নববধু ওরে”,  
সলাজেতে শিরে দিগু বাস ॥

কত রাতি গেল পুন এলো, কিন্তু হায় আর কি নিটিল  
সে দিনের সেই সে পিয়াস ।

আজ দিবস কি দিলে মম, ফিরে পাব সে দিনের সম  
মিলনের মধুর রজনী ।

ওই আজ জাগিছে স্মরণে, কোথা দিয়ে কাটিল কেম'ন  
“ফুলশয্যা” স্বপন-কাহিনী ॥

## জগন্নাথ ।

১

এসেছি হে বহুদূর হ'তে  
আনিয়াছি এই ফুলমালা,  
অতিক্রমি বহুদূর পথে  
দীন মনে দীন সারা বেলা  
সারানিশি । এসেছি কাতরে  
তোনারি মন্দির ঘারে আজ ।  
লয়ে অর্ঘ্য তোনারি দুয়ারে  
ডাকিতেছি কোথা রাজ-রাজ ?  
দেখা দাও জগত-ঈশ্বর  
দেখা দাও রাজ-রাজেশ্বর ।

২

আসিয়াছে কত লোক হেগা,  
আনিয়াছে কত উপহার;

ভক্তিতরে হৃদয়ের ব্যাথ;  
জানাতেছে চরণে তোমার .  
কেহ দেয় কত রত্ন ধন,  
কেহ দেয় ফুল সচন্দন ;  
ধূপ দেয় করি সযতন,  
মালা কেহ করিল অঙ্গণ ।  
সকলেরি পূর্ণ মনস্কাম  
করিলে হে কৃষ্ণ বলরাম ॥

৩

হেথা আসিয়াছি আমি দীন।  
পূজা হেতু নাহি আয়োজন  
প্রেমাঞ্জলি ভক্তি অর্ঘ্য বিনা  
জানিনাকো ভজন পূজন  
অশ্রু মোর সঞ্চিত যতনে,  
তাই দিয়ে গাঁথিয়াছি মালা ;  
সায়াহুতে বসিয়া বিজনে,  
ভূলে গিয়ে যত ধূল খেলা ।  
দান-সখা তুমি নারায়ণ  
রাখ পায় আশ্রিত যে জন ।



## দর্শন-লালসা

- ১০৭ কত দিন ধ'রে দেখিনি তোমারে  
উঠিছে হৃদয়ে সাধ।
- ১০৮ বহুদিন পরে এত আশা ক'রে  
কে হেন সাধিল বাদ ?
- ১০৯ ইন্দ্রধনু গড়া মুরতি তোমার  
জাগিছে নয়ন'পরে।
- ১১০ বাঁধি বাঁধি করি মনেরে নিবানি  
রাখিতে নারিনু ধ'রে।
- ১১১ ব্যাকুল বাসনা গড়িছে লুটায়  
সুখ-আশা মনে জাগে
- ১১২ কাতর পরাণে সজল নয়নে  
ডাকি কত অনুরাগে।
- ১১৩ হৃদয়-গগনে পূর্ণ শশধর  
আমি ভব ক্রব তারা,
- ১১৪ শোভ নীলাকাশে দেখি দূরে থেকে  
হইয়ে আপনা-হারা।
- ১১৫ অন্তর মাঝারে অমানিশি কেন  
নাহিক চাঁদের আলো
- ১১৬ মাধবী বামিনী মেঘে থাকে ঘেরা  
নাগে কি কাহারো ভালো ?

## অভিষেক

জয় মহারাজ, ভারত-ঈশ্বর

তব অভিষেকে মোরা ক্ষুদ্র নর

করিতেছি আজ মঙ্গল কামনা ।

শত্রু দল তব সবে পরাজিত

লক্ষ্য সংগ্রামে হোক নিপতিত

ধোমুক সকলে বিজয় ঘোষণা ॥

জয় মহারাজ ! বৃটন-ঈশ্বর

তব যশ গাহি মোরা ক্ষুদ্র নর

নাহিক মোদের সম্পদ লভায় ।

সিন্ধু কুমারিকা আসমুদ্র ক্ষিতি

তব রাজ্য হোক চিরদিন স্থিতি

মোরা যেন রহি নির্ভয় হৃদয় ।

তব পুত্রগণ অটল হৃদয়ে

শাস্ত্রক মেদিনী বিশ্ব করি জয়

চিরদিন রোক সংগ্রামে অটল ।

ছিলে সুবরাজ আজিকে সম্রাট

জয় জয় তুমি ধন্য এডওয়ার্ড

অজ্ঞেয় অমেয় হোক তব বল ।

মাতৃ-শোকানল ফেল মুছে আজ

কর যত তাঁর আছে পুণ্য কাজ

অর্ণব হ'তে তিনি দেখিছেন সব ।

তঁার আশীর্বাদ হবে না বিফল

ক্ষণজলে তাঁর লভিবে মঙ্গল

ধরা মাঝে পাবে অতুল বৈভব !

জয় মহারাজ জয় জয় ধনি

কম্পিত করুক আকাশ মেদিনী

লক্ষ লক্ষ কণ্ঠে তোমারি জয় !

যতেক তোমার ভারত সন্তান

কূলে গিয়ে সব ঘেষ অভিমান

আত্মপ্রেম-সূত্রে যেন বাঁধা রয় ।

এই মহারাজ করুণ নয়নে,

দেখো চেয়ে তব দীন প্রজাগণে

বিজিত এ জাতি হেয় জগতের

ছিল হেন দিন এরাও ভূতলে,

মহাবীর্যশালী বধি শত্রুদলে,

সর্বশ্রেষ্ঠ মণি ছিল মহেশ্বর ।

মভ্যতা-সোপান জ্ঞানের ভাণ্ডার

দয়া মায়া ছিল হৃদয় মাঝার

লভেছিল কীর্তি স্মারক শিল্পেতে

আদর্শ জননী ভারত-রমণী

পত্নীরূপে ছিল শক্তি-স্বরূপিণী

এবে সেই জাতি দলিত পদেতে

ভূমি রাজ্যেশ্বর অতি গুনবান্  
 রেখো দয়া ক'রে মানীর সম্মান  
 পরমেশ ভব করুন্ মঙ্গল !  
 রানী কুলমণি জননী ভোমার,  
 ভূমি নরপতি তনয় তাঁহার  
 দীন প্রজাদের মোছ অশ্রুজল ॥

## শৈশব কাল

১

আয়রে শৈশব-কাল অতীত জীবন ।  
 হাসি খুসি নৃত্য গীত, আয় পুলকিত চিত্ত  
 আয়রে সোহাগে গলা প্রকুল বদন ।  
 ঘোচা এ মলিন মুখ মোছা রে নয়ন ॥

২

এস রে শৈশব মম জুড়ান জীবন,  
 জীবন মধ্যাহ্নকালে, খর রবি-কর জ্বালে,  
 পরিত্রাস্ত ক্রান্ত আনি অতি অভাঞ্জন,  
 ক' দিলে পাইব আজি তব হরশন ॥

৩

মায়াহুগ ! কতদূরে করিলি গমন ?  
 স্মৃতিতে মাধুরী মাখা, সুখ-ছবি-চোখে অঁকা,  
 বিনোদ হাসিতে ঢাকা সজল নয়ন ॥  
 সাধের শৈশব মোর আকাঙ্ক্ষার ধন ।

৪

কত তৃপ্তি কত সুখ ছিল এ বুকতে :  
 ছিল না গরলময়, বেদনা নিষাদ ভয়,  
 নিতুই নূতন আশা জাগিত প্রাণেতে  
 অমূল্য রতন তুই আয় এ বুকতে ।

৫

জীবনের সর্বশ্রেষ্ঠ সুখের স্মরণ  
 সাধের শৈশবকাল, ভরিয়ে হৃদয়-খাল,  
 প্রেম-প্রীতি-পুষ্পদল সম্ভোষ-চন্দন,  
 সাজারে সাজারে পুনঃ মন নিকেতন ।

৬

আঁধারের আলো তুই অমূল্য রতন  
 এ পোড়া অশান্ত চিত্তে, সংসার-মরুর ক্ষেত্রে,  
 বিদগ্ধ-হৃদয় যবে হইব দহন ।  
 একমাত্র শান্তি-সুখ তোমারে স্মরণ ।

৭

সাধের শৈশবকাল আকাঙ্ক্ষার ধন ।  
 আয়রে প্রমোদ-হাসি, আকুল উচ্ছ্বাসে ভাসি,  
 লক্ষ্যহীন সুখ-ছবি জীবন-রঞ্জন ।  
 এ বুকে সদাই থাক্ আনন্দে মগন ।

৮

চাকু সরলতা ছবি মুরতি তোমার  
 প্রেমের প্রতিমা তুমি, আনন্দের লীলাভূমি,  
 স্নেহের শৈশবকাল বিগত এবার  
 জন্মান্তরে দরশনে পাব না কি আর ?

## মনে পড়ে ।

স্তব্ধ নীশিথে বসি বাতায়নে,  
 কার মুখ খানি পড়ে আজি মনে  
 কোন দুঃখ গাঁপা উদাস পরাণে,  
 কার এলোচুল সুবক্ষিম গ্রীবা ?  
 বিমল-মাধুরী-মহিমা-জড়িত  
 ক্রান্ত আঁখি-পাতা স্বপনে খচিত  
 স্নিগ্ধ চন্দ্রালোক হ'য়ে উজ্জলিত  
 জালিত পরাণে কোন দিব্য বিভা ?

যন স্বপ্ন ঘোরে কোন ছায়া-বাল্য  
 এসেছিল হেথা রূপে করি আলো  
 গেছে সে নিবায়ে আপনার জ্বালা

ফেলে গেছে শুধু স্মৃতি খানি তার  
 কি করিলি চুরি ওলো মন-চোর  
 কি বিষাদে তুই এত না সুন্দর  
 হে বিমানচারী তনু মনোহর

বলু বলু তোর হৃদয়ের ভার ?  
 আপনার ব্যাথা আপনি লুকায়ে  
 নিষ্ঠুর বেদনে মরমে মরিয়ে  
 রাখিলি গোপনে কত লাজে ভয়ে

আমরি হৃদয় কত না সুন্দর !  
 কে লো সুন্দরি রূপসী রমণী—  
 কার তুই ছিলি মরকত মনি  
 কার শিরশোভা প্রণয়ের খনি

কিবা বিনিময়ে লভিলি অন্তর ?



## কবি ।

ভাবময় কবি ভাবেতে বিভোর প্রাণ  
কি আলো নয়নে জ্বলে করিছ সন্ধান ?  
যেন ও উদাস মুখে  
কি ছবি তুলিতে এঁকে  
মনের দর্পণ খুলি কর' দরশন  
ওই যে আলোকপ'রে  
রবি-রশ্মি খেলা করে  
সারাদিন মেঘে ভানু শোভিছে বিমান  
তুমি কবি তাই ল'য়ে  
ভাবেতে বিভোর হ'য়ে  
পাশাপাশি কর খেলা ছায়ার সমান ।  
নিশীথে চাঁদিনী ওঠে  
অম্বরে তারকা ফোটে  
অমনি বুকেতে জাগে সোণার স্বপন  
সায়াহ্নে গোপুলি রাগে  
বসাইয়ে অগ্র ভাগে  
ভারি সনে কত কথা কত আলাপন ।  
যখন মেঘের কোলে  
চমকি চপলা খেলে  
আনন্দেতে মুহুমূর্ত্ত কর দরশন



কল্পনা-বিভোর কবি  
 দেখগো বিশ্বের ছবি  
 মহা স্বপ্নে অচেতন নয়ন মুদ্রিয়া  
 কুঞ্চিত অলক-রাশি  
 কপোলে লুটিছে আসি  
 পাগল পবন হাসি খেলে তাই নিরা ।  
 ভাবেতে বিভোর কবি ভাবমর-প্রাণ  
 সারা খানি প্রাণ বিশ্বে করিয়াছ দান ।

## সে কোথা ?

সেই ঘর ঘর রয়েছে সাজান  
 সেই ছবি খানি দেয়ালে টাঙান  
 আজ সে বুঝিলে ঘরেতে নাই ।  
 যত কিছু তার সখভ্রুতে রাখা  
 আজ সবি দোষ কেন ধূলিমাখা  
 হেন অনাদর হয়েছে তাই ?  
 বড় আদরের নিড়াল শিশুটী  
 বসি স্নান মুখে চায় মিটিমিটি  
 সে কেন এখনো এলোনা ফিরে ।

বেলা সব গেছে হল অন্ধকার  
 উদাশ বাতাস করে হাহাকার  
 সে কি গেছে আজ অনেক দূরে ?  
 আমি যে রহেছি বসিয়ে হেথায়  
 কতক্ষণ ধরে তারি অপেক্ষায়  
 একবার এসে দিয়ে যা দেখা ।  
 প্রতিশ্রুতি বলে ঘোর অন্ধকারে  
 জনমের মত ফিরে যাবে ঘরে  
 বুকে লয়ে তার শেষ স্মৃতি রেখা ।

## মালা ।

ওগো নবরাগি এনেছি মালিকা  
 তুমি কি লইবে করে ?  
 তোমার পরশে কুসুম-কলিকা  
 ফুটিবে হরষ-ভরে ।  
 এ যে বন-ফুল নহে স্মৃতি জাঁতি  
 স্নগন্ধ ছড়ায় বায়  
 সেফালিকা বেল গোলাপ মালতী  
 পুলকে ফুটিয়ে চায় ।  
 সৌরভ-বিহীন শুধু বনফুল  
 নেবে কি গো তুমি এরে

আপনার মনে আপনি আকুল  
 এনেছি তোমার দ্বারে ।  
 বেলা গেল সব যাব বহুদূরে .  
 মাথায় লইয়ে ডালা  
 কর অনুমতি চাহলো নয়নে  
 নেবে কি না বল বালা ॥

## সুখ ।

হে সুখ কনককান্তি স্নিগ্ধ সুকুমার  
 আনন্দের নিকেতন সুরতি তোমার ।  
 তোমার চরণ-স্পর্শে উঠিছে বাজিয়া  
 বিশ্বের রাগিণী যত দিগন্ত ব্যাপিয়া  
 তব সৌম্য রূপ-রাশি হেরিলে নয়নে  
 দুঃখ শোক মলিনতা নাহি রয় মনে ।  
 তব স্পর্শে জগতের যত অভাজন  
 জড় দেহ ত্যাগ করি লভয়ে চেতন ।  
 কোথা সুখ কোথা তব প্রিয় নিকেতন  
 কোন্ ছায়া-পথে ভূমি কর বিচরণ ?  
 অদৃশ্য আলোক আনি নয়নে নরের  
 দেখাও অপূর্ব ছবি বিশ্ব জগতের ।

\* ভঙ্গ করি নিখিলের যত নীরবতা  
 প্রকাশে স্বর্গের দূত তোমার বারতা ।  
 হীরক-কিরীট শিরে শান্তিতে খচিত  
 স্নেহ দয়া ভালবাসা রতনে মণ্ডিত ।  
 প্রেমের মুকুতা গাঁথা মালিকা গলায়  
 - লজ্জাবাসে ঢাকা তনু অতি শোভাময় !  
 তুমি যদি না থাকিতে আজি এ বরায়  
 নর-নাম পৃথ্বী হাতে লইত বিদায় ।  
 শোক তাপ দুঃখময়-জগত-মাকারে  
 রাখে আশা একদিন দেখিবে তোমারে

## প্রথম চুম্বন

১

জীবনের প্রথম চুম্বন  
 তোমাতে মিশিয়া আছে কত আকিঞ্চন  
 কত সাধ আশা মাথা কত প্রেম আছে ঢাকা  
 কত ভুল কত ভ্রান্তি কত না বেদন !

২

আদরের প্রথম চুম্বন !  
 হে নব জীবন কুঞ্জে নবীন স্বপন

সোহাগে সরমভরে      সে যবে চুম্বন করে  
অনুরাগে ফুল হয় মলিন বদন ।

৩

চিরদিন থাক মম সাথী  
মম হে সংসার-কূলে প্রথম অতিথি  
অতীতের সেই দিনে      আজিও জাগিলে মনে  
জাগে হৃদে ভালবাসা কত প্রেম প্রীতি ।

৪

ওরে প্রিয় চুম্বন আমার  
দেখিনু প্রথম যবে মুরতি তোমার  
খেলা ধূলো ভুলে গিয়ে      কিশোর জীবন ল'য়ে  
সমস্কোচে প্রবেশিনু সংসার-মাঝার  
ভূমিত সুখের মুখ দেখালে আবার ।

৫

রে চুম্বন প্রাণের পুলক  
জীবন গহন বনে পুষ্পিত অশোক  
লজ্জা ভয় ফেলি দূরে      হাত ধরে ধীরে ধীরে  
আশার প্রদীপ জ্বালি দেখালে আলোক ।

৬

প্রণয়ের পবিত্র চুম্বন  
একমাত্র তুমি শুধু প্রেম-নিদর্শন ।  
দম্পতি গরব ক'রে      রহে যবে মান ভরে  
মিলনের সাক্ষ্য-স্থল তব পরশন ।

আজ তাই মধ্যাহ্ন জীবনে  
তোমার মধুর মূর্তি উঠিছে স্মরণে  
কে প্রিয় মনেতে রেখো বারেক আমারে দেখে  
অবহেলা করোনাকো মোরে অবাঞ্ছনে ।

## পূজা ।

আশার প্রতিমা গড়ি মানস-মন্দিরে  
পূজিলাম বহুদিন অতি ভক্তি-ভরে ।  
চিন্তা-ক্লান্ত দিন আর বিনিস্র রজনী  
পদপ্রান্তে কাটায়েছি জানতো জননী ।  
তবুত হলেনা দেবি ভক্তেরে সদয়  
নাহি দিলে বরমাল্য নাহি বরাভয় ।  
আজন্মের রুদ্ধ অশ্রু সঞ্চিত আমার  
আনিয়াছি তব তরে পূজা-উপহার ।  
দৌনের এ ভক্তি-ভার করিয়া গ্রহণ  
আশীর্বাদী পুষ্প শিরে কর বরিষণ ।  
যদি নাহি নাও তুলে বুঝিব নিশ্চয়  
পাশাপাশী, পাশাণে গড়া তোমার হৃদয় ।  
অর্ণবর্ণে চিত্র করা মাটির প্রতিমা  
দেবতার মনে তার হয় কি উপমা ?

## মরণের আবাহন ।

অনন্ত মরণ-ভ্রম ।      ব্যাপিয়া দিবস নিশ ।

করে আবাহন ।

কে কোথায় আয় ছুটে      কক্ষ-বন্ধ যায় টুটে  
করিছে গর্জন ।

দাঁড়ারে কণেক তরে      যাব দুটো কাজ সেরে  
আয় তোরা আয় ।

হাত ধরি সারি সারি      আয় সব নর নারী  
পলকে প্রলয় ।

দাঁড়িয়ে শিয়রে পরে      ঘোষিছে বিকট ধ্বনি  
মরণ-বারতা ।

মৃত্যু হইবে লীন      গিছে এই দুটো দিন  
স্থখা আকুলতা ।

## মৃত্যু ।

ওরে মৃত্যু ধরা মাঝে সত্য স্তমহান

একমাত্র নিশ্চিতের জলন্ত প্রমাণ ।

চরম সময় এলে সবাই পলাবে ফেলে ।

তুমি ধীরে তুলে নেবে করি আলিঙ্গন

## মৃত্যু ।

মৃত্যু নায়া অন্ধকারে      জীব যে সত্য ঘোরে  
 কতু কি ভাবে গো মিথ্যা ধরার স্বপন ?  
 কাল গুটি কাটি কায়া      দেখায় স্বরূপ ছায়া  
 বিচিত্র বরণ ঘটা তব পারাবারে,  
 একটি মুহূর্ত্ত পরে      জান না কি হতে পাবে  
 কিন্তু মৃত্যু ক্রম সত্য বিশ্ব চরাচরে ।  
 বিশাল বিশ্বের কায়া      দুর্ভেদ্য দাক্ষিণ্য নায়া  
 নিমেষে বিলীন হবে মরণের কোলে  
 হে মরণ অবিনাশী      নিজমূর্ত্তি সপ্রকাশি  
 পরলোক ছবি খনি চোখে ধর তুলে ।  
 মরতের সাধ আশা      এদেহ মাটির বাস  
 বিলাস প্রমোদ প্রেম সবি হবে পড়ে  
 চেতনা জড়তে মিশে      মাটিতে লুটিবে শেষে  
 সাধের ধরণী তোরে যেতে হবে ছেড়ে ।  
 সূক্ষ্ম সূত্রে কুলিতেছে মানব নিয়তি  
 সে সূত্র ছিঁড়িবে যবে      তোমার উদয় হবে  
 তব তোমা ভুলে থাকে নর-মূঢ়মতি



## কৃষক পুত্র ।

১

নিত্য গাতী গুলি গোয়ালে বাঁধিয়া চলে যেত সে  
আঁখি ছল ছল নত দিকে চায়  
কি গুরু বেদনা মরমে লুকায়  
তার শুধু এক খানি তপত নিঃশ্বাস আসিত ভেসে ।

২

কে তারে দেখিত কে তারে খুঁজিত দরিদ্র জন ।  
সাক্ষ্য আঁধারে গোধূলি আকাশ  
ধীরে মিশে যেত বহিত বাতাস  
এমনি সময়ে মাঠ হতে ফিরে গাহিত গান ।

৩

মা তারে আদরে ডাকিতেন ঘরে রাখ্‌লা শোন  
খেটেছিস্ খুব শুকায়েছে মুখ  
খাও কিছু বাছা দূরে যাবে দুঃখ  
বাড়ীতে তোমার কেবা আছে আর কটা ভাই বোন ?

৪

লজল নয়নে চাহি ভূমি পানে কহিত বাণী  
ঘরেতে আমার কেহ নাই আর  
ছোট বোন ছাড়া স্নেহের আধার  
আমারি লাগিয়া প্রদীপ জ্বলিয়া আছে সে রাণী ।

৫

ওগো ছোট মেয়ে পথ পানে চেয়ে আছে মা সেখা  
 দুটি ভাই বোনে দিন অবসানে  
 সাজের আকাশে দেখি তারাগণে  
 সেই তারা মাঝে আছে কি না আছে মোদের মাতা

## সেই কি আমার ?

ওগো তুমি সেই কি আমার ?  
 একি নব রূপ সখা      আগতে দাওনি দেখা  
 এ মূর্তি প্রেমের আধার !  
 এ হাসি ছিল গো কোথা      প্রাণভরা মধুরতা  
 ছিল কোথা এ নব প্রণয় ?  
 সেই তো আমার তুমি      অনিমিবে দেখি আমি  
 ভুলে যাই যতেক বাতনা ।  
 প্রতি অবয়বে তব      কি ছবি এঁকেছ নব  
 ঢাল প্রাণে কি মহা সাস্তুনা !  
 বল বল প্রিয়তম      আছ তুমি সেই মম  
 হৃদি সখা আঁখির রঞ্জন ।  
 হে রে ও নয়ন দুটি      চরণে পড়েছি লুটি  
 জীবনের জাগ্রত স্বপন !  
 কেন তবে বল আজ      ধরেছ নূতন সাজ  
 হৃদি ধরা এই নব ফাঁদ ।

## নিবেদিতা ।

আগেত দিয়েছি ধরা      হয়েছি আপনা হারা  
আশ তব মেটেনি কি চাঁদ ?  
কি নেবে নূতন করে      সবিতো দিয়েছি ওরে  
কিছু নাই কিছু নাই আর  
কেন তবে এই সাজ      কি হাসি অধরে আজ  
কল তুমি সেই কি আমার ?

## প্রেমের জগৎ ।

১

প্রেমময় প্রেমে বাঁধা জগত তোমার  
প্রেমেতে জগত ছোটে      প্রেমেতে সৌন্দর্য ফোটে  
প্রেমেতে তরঙ্গ ওঠে মোহ মদিরার  
আমিও প্রেমেতে নাথ ডাকি বার বার ।

২

অদ্বুত এ প্রেম তব অনন্ত অব্যয়  
দীপ্য হীন সীমা হীন      খুঁজে খুঁজে নিশিচিৎ  
গরজিয়ে মহাসিন্ধু কাঁদিয়া বেড়ায় ।  
আমিও খুঁজিয়ে সারা দেখাও আমায়

৩

মহাশক্তি সনে প্রেম মিশিবারে চায়  
প্রেমে চাঁদিনী ওঠে      আকাশে তারক ফোটে  
মলয় আকুলি লোটে সারা বিশ্বময়  
কৌমুদী কিরণ মাখি তোমাতে মিশায়

## প্রেমের জগৎ ।

৫

৪

প্রেমময় কোথা তব সীমা এ প্রেমের  
কেনী প্রেমের আশে লুকাই জলদ পাশে  
গালাপ গরবে হাসে প্রেমেতে তোমার  
আকুল মল্লিকা রাণী রূপে আপনার ।

৫

পৃথিবী মানবে টানে প্রেমেতে তাহার  
কাটি গ্রহ রবি তারা প্রেমেতে রচিছে তার  
নব বিশ্ব নব রূপ নবীন আকার  
প্রমময় তুমি শুধু তার মূলাধার ।

৬

দয়াময় ধরা মাঝে সবি প্রেমে ভরা  
বহন প্রেমেতে গায় তটিনী প্রেমেতে গায়  
উষা সে প্রেমেতে চায় রূপে আত্মহার  
এ প্রেম কেমনে পাব আমি ভেবে সারা ।

৭

জাজ এ বিশ্বেতে সখা সব প্রেমময়  
সেই মনভঙ্গল পূর্ণ প্রেমে তলস  
হিয়া বিভোল মোর তোমা পানে চায়  
সিন্দূ প্রেম তব প্রদান আশায়

সই অঙ্কিত

## বালি-বিন্দু ।

সংসার জলধি তটে                      দাঁড়াইয়া করপুটে  
কাতরে ডাকিহে কত কোথা দয়াময়  
তুমি প্রভু কর্ণধার                      ভবান্নবে কর পার  
অগতির গতি সখা দেহ পদাশ্রয় ।  
সম্মুখে বিশাল সিন্ধু                      তীরে আমি বালি বিন্দু  
কেমনে রোধিব এই তরঙ্গ দুর্ব্বার,  
দাও বল দাও শক্তি                      দাও গো অচলা ভক্তি  
যে বলে রোধিতে পারি মহা পারাবার.  
উন্মি পরে উন্মি ছোটে আছাড়িয়া কূলে লোটে  
ভীষণ বাসনা বায়ু গর্জে চারিধার ।  
ক্ষুদ্র রেণু নিরাশ্রয়                      অতি ক্ষুদ্র অসহায়  
শক্তি নাই দাঁড়াইতে বলে আপনাব ।  
করষোড়ে তাই আজ                      ডাকি কোথা রাজ রাজ  
এ ঘোর অকূল নীরে রাখ দয়াময়.  
নয়ত আশ্রুক চেউ                      নিকটে এস না কেউ  
যাক সে অতল তলে তুলোনাকো ভায় ।  
গভীর জলধি গর্ভে লোক সে আশ্রয় ।

## কোথা যাও ?

শূন্য করি মাতৃ ক্রোড়

কি আনন্দে হয়ে ভোর

চলেছিস অভাগা সন্ধান

ফের্ ফের্ নিরাশ্রয়

একা যেতে নাহি ভয়

বহুদূর অজানা সন্ধান ?

কি ছবি নয়নে জাগে ,

ফুল প্রাণ অনুরাগে

তাই আজি অসীম সাহস ।

মরতের ধূলা খেলা

সারিলিরে এই বেলা

কচি প্রাণে কত মন আশ ।

সুদূর মরতে এসে

কৈদে ছিলি তার আশে

বাঁধা প্রাণ তার মমতায় ।

( সেকি ) সন্ধ্যার প্রদীপ জ্বালি ।

হুয়ারে অর্গল খুলি

আছে সেথা তোর প্রতীকার ?

হৃৎ লীলা শেষ করি

বদে এলি ধরতপরি

বলেছিল বুকি হাতে ধরে

## নিবেদিতা ।

জাগিলে বিয়োগ ব্যাথা

মনে করো মোর কথা

বহুদিন থেকোনাকো দূরে ?

পড়িয়াছে তাই মনে

স্বপনের সে স্বপনে

চলেছি অধীর পরাণ

কাক শেষে ক্রান্ত দেহে

চাটছে আপন গেহে

জাগে প্রাণে কার প্রেমাস্রা৷

## ক্ষমা ভিক্ষা ।

এই দিন ছিল হেলা ফেল

আখ মিলে দেখিনি তাহাবে

তাই আজ শত বাধা দিয়ে

ফিরিয়াছে নুনি সে আমারে ।

হিল হাসি অধরের কোলে

হিল অশ্রু সে ছুটি নয়নে

বহু ব্যাথা সে বুকে লুকান

হিল কি মহা ধোয়ানে ।

বহু রাহা ছিল কিছু নয়

কাজ তাই ওঠে পূর্ণ ভয়ে

## অন্নপ্রাশন ।

এত দিন দেখিনি ঘাহারে  
সে বাঁধিল শত বাঁধা দিয়ে ।  
পূর্ণ প্রাণ ঢেঁলেছে চরণে  
পূর্ণ প্রাণে সেখেছে কতনা  
চাহি নাই মুখ তুলে হায়  
বুঝি নাই তার সে যাতনা ।  
অপলক নলিন নয়নে  
মুখ পরে রহিত চাহিয়ে  
নীরব সে হৃদয় বেদনা  
ছুটি বিন্দু দিত জানাইয়ে ।  
কত দিন-কত দিন-পরে  
সে মাধুরী আগিছে স্মরণে  
ভোল্ ভোল্ নালা অপমান  
আজ আমি ভিখারী চরণে ।

## অন্নপ্রাশন ।

অন্যের শিশু পুত্র কুমার  
কি আনন্দ আজি হৃদয়ে আমার  
কেমনে জানাব বলনা তব  
ও তাঁদ বদনে সুধার রাশি  
খাড়িছে লুটিয়ে হাসি হাসি হাসি  
সুখমার কোথা তুলনা নাই



বীণা বিনিমিত মধুর কাকলি

অফুট উছাসে উঠিছে উথলি

ছুই বাহু মেলি ডাকিছ কারে ।

দেব অবতার প্রেমের কুমার

স্ববগের শিশু ভুইয়ে আমার

স্নেহ আশীর্ব্বাদ তুলিয়ে নেরে

আজি শুভদিনে অন্ন পেয় পেয়ে

দেহলতা তব উঠুক বাড়িয়ে

শত বর্ষ আরু হউক তোমার ।

শৌর্য্য বীর্য্যে তরা হৃদয় তোমার

হউক পবিত্র দয়ার আধার

জ্ঞান গরিমায় রহুক মণ্ডিত ।

হৃদি শত দলে ভাবের লহরী

প্রেমের আবেশে উঠুক লিহরি

করোনাকো যুগা যে জন পণ্ডিত ।

স্নেহ-চ্ছায়া তলে প্রাণী শত শত

তব আলিঙ্গনে হউক জীবিত

লডুক তাহারা নবীন জীবন

নিপদের দিনে ভুলি আত্মপর

রেখে সবাচারে বুকের তিতর

সমাদরে রেখে আশ্রিত যে জন

পিতামহ পিতা যত গুরুজন

স্বাকার হও আনন্দ বর্জস

তোমা হ'তে তবে লভুক সাস্থনা

উজ্জ্বল পরমেশ্বর অনন্ত জীবন

প্রেম পুষ্প দিয়ে হৃদয় ভিতর

করো সর্ববন্ধন চরণ বন্দনা ।

যাঁর কৃপাবলে পেয়েছ জীবন

মাতৃ স্নান রসে লভেছ চেতন

দেহ পুষ্ট হবে যাঁহার কৃপায়

জড় দেহ ত্যজি নূতন জনমে

অভিষিক্ত হবে নূতন করমে

সদা মনে রেখো সেই দয়াময়

## শেষ ।

১

ক্লান্ত দেহ ক্লান্ত মন উদাস পরাগে

ভাবি সদা কত দূর শেষ কোন্ খানে

দ্রবিস কুরাণ্ডয় যায়      দিগন্ত আঁধারে ছায়

লগ্নুখে সোণার রবি যায় অন্ত পানে

সীমাহীন শূন্য পরে যাবে কোন্ স্থানে ?

২.

চাঁদ চণ্ডে হারা ফোটে অক্লব উদয়  
 লড়ে জ্যোৎস্না কভু তম নীলাকাশ গায়  
 দিন শত সমভাবে নিয়ত উদয় ল'ল  
 কিন্তু এর শেষ কোথা কে করে নির্ণয়  
 কোথা ও'দি কোথা অস্ত কোথা পায় ল'ল

৩

শুই পুষ্কিতে নারি নিয়ম ধরায়  
 শক্তি মন লয়ে মহিমা তাঁহার  
 শিশু আকুল রোললে ছুটিছে মরণ  
 দিন রাত ব্যাপি শুধু দীর্ঘ হাহাকার  
 এ'রা কি নাহিক শেষ অনন্ত অপার

৪

ল'না হীন আশা লয়ে দুটীয় বেডায়  
 ব'ত দিনে হবে শেষ ভারি শুধু তাই  
 'খা না নামাতে পেরে শুধুই নয়ন  
 কোথা প্রীতি কোথা সুখ বোঝা শাস্তি পায়  
 ভগবান কর শেষ তব কাছে যাই

সম্পূর্ণ ।











